



Ս Փ Յ Ո Ւ Ռ Ք Ո Ւ Մ

ԱՎՍՏՐԱԼԻԱՅԻ ՀԱՅ ԳԱՂՈՒԹԸ

Քաղվածարար հրատարակում ենք Ավստրալիայի հայ եկեղեցական խորհրդի 1957 թվականի նոյեմբերի 14 թվակիր Վեհափառ Հայրապետին ուղղված նամակից որոշ տեղեկություններ՝ Հեռավոր Արևելքի մեր եկեղեցական համայնքների գործունեության մասին:

Հեռավոր Արևելքի հայ գաղութների աղգային-եկեղեցական մարմինների ցանկությամբ և դիմումով, Վեհափառ Հայրապետի նոյեմբերի 25 թվակիր կոնգակով ստեղծվեց Հեռավոր Արևելքի երկրների՝ Հնդկաստանի, Չինաստանի, Ավստրալիայի, Նոր Զելանդիայի, Ինդոնեզիայի, Մալայայի և Բիրմայի Հայաստանյայց Առաքելական Եկեղեցու առաջնորդական վիճակ՝ Կալկաթա և Սիդնեյ առաջնորդանիստ կենտրոններով, և Հայրապետական նվիրակ ու առաջնորդ նշանակվեց գերապատիվ Տ. Ասողիկ եպիսկոպոս Ղազարյանը:—ԽՄԲ:

Վեհափառ Հայրապետի հավանությամբ և հրամանով այս տարվա օգոստոս—նոյեմբեր ամիսներին Հեռավոր Արևելքի մի շարք հայկական գաղութներին և եկեղեցական համայնքներին հովակա՜ն այցելություն տվեց Տ. Դերենիկ եպիսկոպոս Փոլատյանը: Սբրբազանք օգոստոսի սկզբներին, Հնդկաստանի հայ գաղութը այցեցելուց հետո, մեկնում է Բիրմա, Սինգապուր, Ինդոնեզիա, իր հետ տանելով հեռավոր այգ երկրներում ապրող հայ ժողովրդի բեկորներին՝ Ս. Էջմիածնի օրհնությունը և Վեհափառ Հայրապետի հայրական ողջույնը:

Օգոստոսի 6—12 օրերին, սրբազանք առաջինը այցելում է Մելբուռն քաղաքը, ուր երկիցս պատարագում է և քարոզում Անդլիկան եկեղեցում: Մելբուռնում հայերը գեո՛ւս եկեղեցի շունեն:

Օգոստոսի 12-ին սրբազանք մեկնում է Ադելայդ քաղաքը, ուր ապրում են հինգ հայ ընտանիքներ: Տեղի հայ փոքրաթիվ համայնքը հոգեպես մխիթարելուց հետո, սրբազանք օգոստոսի 15-ին ժամանում է Սիդնեյ, ուր բնակվում են համեմատաբար ավելի շատ թվով հայ ընտանիքներ: Սրբազանք իր հովակա՜ն այցելությա՜ն ճանա-

պարհի վրա ավելի երկար ժամանակով է մնում Սիդնեյում, ամեն կիրակի՝ պատարագում է և քարոզում հայկական փոքր աղոթամատուան մեջ, որը տրամադրվել է Ավստրալիայի հայ եկեղեցական խորհրդի նախկին տաճնապետ պր. Մտեփան Բանիկյանի կողմից Սիդնեյի հայ եկեղեցական համայնքին: Սրբազանք կարդում է մի շարք դասախոսություններ և կազմակերպում Ս. Էջմիածնից և Մայր Հայրենիքից տարած կինոժապավենների ցուցադրման երեկոներ, խանդավառություն ստեղծելով Սիդնեյի հայրենասեր և քարեպաշտ ժողովրդի հոգում:

Ավստրալիայի հայ եկեղեցական խորհրդի և Սիդնեյում վերջերս կազմված 15 հոգուց բաղկացած ժամանակավոր մի հանձնախմբի ղուլելի ջանքերի շնորհիվ, հոկտեմբերի 24-ին գնվում է Սիդնեյի ճիշտ կենտրոնում գտնվող Երիցական Եկեղեցու եկեղեցիներից մեկը 3500 անգլիական ոսկու արժողությամբ: Նոր գնված եկեղեցում որոշ բարեփոխություններ մտցնելուց հետո, նոյեմբերի 10-ին, հանդիսավոր իրադրության մեջ և խանդավառ մթնոլորտում կատարվում է հայկական նոր եկեղեցու օծումը՝ Ս. Հա-

րություն անունով, ձեռամբ Տ. Դերենիկ
հայկոտլուսի:

Եկեղեցու գնման փողը գոյացել է նախա-
պես և վերջերս այդ նպատակով կատարված
նվիրատվություններից: Գաղութի սիրված և
պատվավոր ազգայիններից պր. Հարություն
Ակինյանը այս ուրախ առիթով եկեղեցու
գնման ֆոնդի համար նվիրում է 2 000 անգ-
լիական ոսկի: Սիդնեյի նորոժ Ս. Հարություն
հայոց եկեղեցու գնման իրենց համեստ
մասնակցությունն են բերում նաև Մելբուռ-
նի հայերը:

Սիդնեյում ազգային-եկեղեցական կյանքը
դրվել է կազմակերպչական հուսալի հիմքե-
րի վրա, շնորհիվ Ավստրալիայի հայ եկեղե-
ցական խորհրդի ազգաշեն և իմաստուն ղե-
կավարության և ամբողջ գաղութի ներքին
խաղաղ համերաշխության:

Բացի եկեղեցու գնումից, վարչությունը
ծրագրել է գնել նաև Ս. Հարություն նորոժ
եկեղեցու մոտ մի բնակարան՝ հոգևոր հով-
վի համար, մի սրահ՝ հայ գաղութին որպես
ժամադրավայր և համալսարանների տեղ, և
մի քանի այլ սենյակներ՝ կիրականության դրս-
րոցի համար:

Ավստրալիայի հայ եկեղեցական խորհուր-
դը ազնիվ պատրաստակամություն է հայտ-
նել նաև եղբայրական օգնության ձեռք մեկ-
նել Մելբուռնի հայերին, որպեսզի նրանք էլ
մոտիկ ապագայում ունենան իրենց սեփա-
կան աղոթքի տունը՝ հայկական եկեղեցին,
և նրա քովն ի վեր՝ հայկական դպրոցը:

Վերջերս Սիդնեյում կազմվել և Վեհափառ
Հայրապետին է ներկայացվել ի վավերա-
ցում՝ Հայ Եկեղեցու ոգուն և տեղական
պայմաններին համապատասխանող մի հա-
մառոտ կանոնադրություն՝ նրանով ղեկա-

վարելու համար գաղութի ազգային-եկեղե-
ցական կյանքը, օրենքի սահմանների մեջ:
Սիդնեյում վերջերս նմանապես կազմվել է
գործունյա և աշխատասեր հայուհիներից
բաղկացած Եկեղեցասեր տիկնանց միու-
թյուն:

Հոկտեմբերի 12-ին Սիդնեյում գումար-
վել է գաղութի ներկայացուցչական ընդհա-
նար ժողով, որտեղ ընտրվել է Ավստրալիա-
յի հայ եկեղեցական խորհրդի նոր կազմը:

Դերենիկ սրբազանը Սիդնեյ ժամանելուց
առաջ իր ճանապարհի վրա սեպտեմբերի
21-ին այցելել է Ֆախ Նոր Զելանդիա, ուր
և մնացել է մինչև հոկտեմբերի 4-ը: Նոր
Զելանդիայում ապրում են 11 հայ բնաանիք
ներ, ցրված զանազան քաղաքներում: Սրբա-
զանը մեկիկ-մեկիկ այցելում է բոլորին, ա-
մենուրեք կատարում է եկեղեցական պաշ-
տամունք, սուրբ հաղորդություն է տալիս
բոլորին և Բանին կենաց քարոզությամբ
մխիթարում ամենքին:

Հոկտեմբերի 25-ին սրբազանը մեկնում է
Մելբուռն, ուր պատարագում է և քարոզում:
Նոյեմբերի 2-ին և 9-ին, երեկոյան ժա-
մերգությունից հետո, սրբազանը հայրը
դպրություն, շորս և ապա կիսասարկավագու-
թյան աստիճաններ է շնորհում Մելբուռնում
բնակվող ծանոթ ազգայիններից պր. պր.
Ստեփան Բանիկյանին, Սարգիս Մարտին-
յանին, Վիլլի Եղիայանին և Արրահամ Գալ-
յանճյանին:

Մելբուռնից սրբազանը վերադառնում է
Սիդնեյ և նոյեմբերի 17-ին իր հրաժեշտի վեր-
ջին պատարագն է մատուցում Սիդնեյի հա-
յոց Ս. Հարություն եկեղեցում և ապա լա-
վագուն տպավորություններով բաժանվում
Ավստրալիայի պատվական հայ գաղութից և
վերադառնում է Կալկաթա:

